

7. Maria Magdalena

Johannes 20:1-18

VERWELKOMING:

5 MIN

YSBREKER:

25 MIN

- Wanneer was jy die hartseerste in jou lewe?
- Wat sou jy graag wou hê moet eendag op jou grafsteen staan?

AANBIDDING:

5 MIN

Gee vir elkeen kans om die volgende sin te voltooi: *Ek is vandag so bly dat God*

Vra nou vir iemand om vir julle voor te gaan in gebed

BYBELSTUDIE:

35 MIN

Maria Magdalena, waarskynlik Maria van Mágdala, 'n dorp suidwes van die see van Tibérias. Jesus het haar van 7 duiwels verlos, Mk. 16:9; Lk. 8:2. Van daardie tyd af was Maria Magdalena een van Jesus se getrouste dissipelne, wat saam met ander vroue Hom versorg het, Lk. 8:3, en wat veral by sy begrafnis en Opstanding saam met haar vriendinne 'n belangrike taak vervul het, Mt. 27:56, 61; 28:1; Mk. 15:40, 47; 16:1, 9; Lk. 24:10; Jh. 19:25; 20:1, 2, 18. Daar is verskil van mening oor die vraag of die vrou wat Jesus gesalf het, Lk. 7:36–50, Maria Magdalena was. Lukas noem nie haar naam nie en dit is nie bekend dat Maria Magdalena 'n sondares was nie, sodat daar eintlik niks is wat na haar verwys nie. Die Skrif leer wel dat Jesus ná sy opstanding aan haar verskyn het en haar as predikster van sy opstanding aangestel het, Mk. 16:9; Jh. 20:11–18.

Lees Johannes 20:1-18 deurdat elkeen een vers hardop lees.

- Waarom was Maria Magdalena vroeg Sondag by die graf en die dissipels nie? Waar sou jy gewees het?
- In vers 10 en 11 sien ons hoe die dissipels terug gaan huis toe, terwyl Maria net staan en huil. Hoe hanteer jy hartseer?
- Waarom wou Maria so graag weet waar Jesus begrawe is? Hoe hanteer mense vandag die dood van 'n geliefde verskillend? Hoe kan ons mense help om dood te verwerk?
- Jesus se opstanding is dit waarop ons geloof staan of val. Hoekom het God dit beskik dat die eerste getuie daarvan 'n vrou is?
- As iemand die opstanding “uitgedink” het, sou hulle as eerste getuie 'n vrou gekies het? Hoe weet JY dat die opstanding waar is?
- In vers 17 het Jesus 'n besondere benaming vir sy dissipels – wat is dit? Wat noem Jesus jou? (Lees ook Hebreërs 2:11) Wat beteken dit vir jou?
- Wat maak Maria Magdalena besonders?

DIENSWERK:

5 MIN

Watter groot projek kan julle kleingroep hierdie jaar aanpak om nood te verlig? Wie gaan die leiding neem en dit koördineer?

GEBEDSRIGLYN:

10 MIN

Vra 4 mense om julle voor te gaan in gebed. Bespreek dan waarvoor gebed moet word:

1. Vir julle kleingroep
2. Vir julle gemeente
3. Vir die land
4. Vir die wêreld

ADMINISTRASIE:

5 MIN